

元史新編

敘

秀水朱竹垞先生嘗論唐以後國史成於官局未若成於一人一家者之專官書萃眾分撰彼此不相貫注其不免於紛歧複襲理固然也明初修元史前後集三十史官迫於速成總裁宋王諸公殆多未經閱視其中如列傳重出者多至數篇此豈難辨而亦不加察其他可知已在列史中最爲草率近世嘉定錢氏大興徐氏皆有志重修竝未卒業先族祖默深先生自幼力學通究古今期於經世致用著述脫彙者先後二十餘種 聖武記海國圖志尤爲士大夫攷掌故議邊防者之資久已彙傳海內晚復從事元史剏定體例獨出己裁其所徵據則元代官私之所

紀錄明初諸臣遺老之所記載遼金宋明諸史之所  
出入與夫佚事遺聞見於近人及泰西各家之說元  
元本本殫見洽聞載於各卷所注凡例所引者可按  
視也其書之特出於新增者則以開國啟宇遠軼漢  
唐西北所互沿革當章立太祖三朝平服各國傳中  
葉正朔不逾金山蕭牆內國盛衰攸關立東北叛藩  
傳至宮闈內治垂化之淑慝備書宗子維城傳嗣之  
榮枯悉譜聖武佐命補錄其元勳泰定承宗特紀其  
良輔申春秋之義而書亡宋降臣慨宗社之墟而記  
末年羣盜其制度之不沿前代者禮志廣帳殿陵寢  
之篇版圖之原掌職方者地志辨和林阿母之域此  
皆詳舊史之所未詳也別傳分類相從以法侏儒名

字之惑則又列史之變例已本紀自世祖而下襲用邵氏類編藝文志氏族表全取之錢詹事擇善而從不必已出固史家之常歟其餘就三十史官之辭而損益之義歸謹嚴事求詳核論次略就而歿繫落仁和龔氏已而復入於莫君祥芝光憲承乏新疆聞王益吾祭酒言亟寓書索還值

國家多故鞅掌不遑弃存久之歲丁酉始屬歐陽輔之鄒改之兩茂才校栞凡八閱寒暑徐克臧事先族祖自敘篇末明言託時賢奏進而桑榆景疾卒薶薶弗果幸名流爲之珍襲不燼於兵燹迄今五十年藉同里一二諸生從散佚後勉成完帙不可謂非神物呵護之功也原稿係剗成有目無書者亦不止一處昔

之良史所傳其非全書者多矣抑古人有言非史官不應爲人作傳推之帝紀實錄更非私家所得爲然此特爲當代言之若修古史則義所不拘列史之不出於史官或何爲史官而其書實出於私修者不知凡幾史記三國志南北史新五代史並非敕撰而皆以正史著於

欽定四庫全書目錄卽如康熙中邵戒三學士元史類編亦成於退休之日會

聖祖南巡進呈此尤

盛代近事之可援附者光熹慮歲遠遺棄就湮及時銳梓倘當世大君子爲加鑒定上呈

乙覽俾得與新舊唐書新舊五代史同列正史以傳之天

下後世是則先族祖神畱柱下及余小子拳拳二紀  
抱守殘闕惟恐失墜之志也夫

光緒三十一年秋七月邵陽魏光燾敘

元史 卷

擬進呈元史新編表

賜進士出身江蘇高郵州知州臣魏源擬稿

臣源  
恭讀

欽定四庫全書提要云元史二百十卷成於明初承前代文獻不足之餘加以纂修官宋濂王禕皆係文士疏於攷訂昧於衮鉞有史才而無史學史識八月成書是以疏舛四出或開國元勳而無傳或一人而兩傳順帝一朝之事雖經采補亦復不詳至其餘諸志刑法食貨百官全同案牘在諸史中最爲荒蕪臣源攷

武英殿國子監頒行廿三史有舊唐書復有新唐書有舊五代史復有新五代史皆於舊史之外重加整理往往後勝於前



國朝康熙乾隆閒詹事府詹事臣邵遠平臣錢大昕皆有重修元史之事錢大昕惟成氏族表經籍志邵遠平元史類編製鄭樵通志之重僅以天王宰輔庶官分題已大侭史法且有紀傳無表志於一代經制闕略未詳故欽定四庫全書置之別史

臣源

於修海國圖志之時知元代

西域遠徼皆西北接鄂羅斯西南連五印度與今西洋夷接壤自

國朝以前疆域未有廓於元者而史書之蕪蔓疏陋亦未有甚於元者爰發憤重修采四庫書中元代各家著述百餘種並旁搜元祕史元典章元文類各書參訂舊史成元史本紀十二列傳□□表□□志□□凡□□卷敢敬敘其端曰元有天下其疆域之袤海漕之富兵力物

力之雄廓過於漢唐自塞外三帝中原七帝皆英武踵立無一童昏暴繆之主而又內無宮闈奄宦之蠱外無苛政強臣夷狄之擾又有四怯辭之子孫世爲良相與國同休其肅清寬厚亦過於漢唐而末造一朝偶爾失馭曾未至幽厲桓靈之甚遂至魚爛河潰不可救者何哉大道之行天下爲公公則中外一家不公則南北瓦裂古聖人以紱冕當天之喜斧鉞當天之怒命討威福一奉天道出之而不敢私焉明人好訾前代每謂元起朔方混一中夏創制顯庸以遼金新附者爲漢人以宋人爲南人以此用人行政皆分內外三等內色目而疏中原內北人而外漢人南土事爲之制曲爲之防其用人則臺省要官皆據於世族漢人南人百無一二中葉

以後破格知遇者官至集賢翰林院大學士而止從無入相秉樞之事以臣觀之殆不盡然方太祖太宗開剗之初卽以耶律楚材爲相其所舉用立賢無方世祖混一南北復相史天澤而劉秉忠參贊大計已同內相其餘如趙璧宋子貞張文謙姚樞許衡葉李等竝入中書輔政初無內蒙古色目外漢人南人之見惟中葉以後始分畛域凡臺省長官皆用蒙古舊人及其判署不諳文誼不得已始取漢人南士佐之其如順帝之相賀太平者十無一二焉中書政以賄成臺憲官皆議價得之出而分巡競漁獵以償債帥不復知紀綱爲何物至於進士科舉置自元初中葉屢舉屢輟動爲色目人所掎摭順帝末年始一大舉行而國將亡矣兼之中原財賦

耗於僧寺佛事者十之三耗於藩封勳戚者十之二是以膏澤之潤罕及於南滲漉之恩悉歸於北界鴻溝於大宅自以爲得親邇疏逃之道致韓山童僞檄有貧極江南富歸塞北之怨天道循環物極必反不及百年向之混一者復成輻裂乘除勝負理勢固然哉且元恃其取天下之易既定江南并大理遂欲包有六合日本瓜哇皆覆海師於數萬里外又不度中外形勢經畫兩莽外置嶺北嶺西諸行省動輒疆域數千里馬行八九十日方至內置江浙湖廣各行省舉唐宋分道分路之制盡蕩覆之旁通廣闊務爲侈闊鞭長駕遠控馭不及於是阿里不哥海都諸王叛於北乃顏合丹諸王叛於東安南緬甸八百諸蠻叛於南窮年遠討虛敝中國如外

疆中乾之人軀榦龐然一朝痿木於是黃河潰於北海  
漕梗於南盜賊起於東大盜則一招再招官至極品空  
名宣敕逢人卽授屯膏吝賞於未熾之初而曲奉驕子  
於燎原之後人心愈渙天命靡常二三豪傑魁壘忠義  
之士亦冥冥中輒自相蚌鷸潛被顛倒而莫爲之所若  
天意若人事焉嗚呼孰使之然哉人知元史成於明初  
諸臣潦草之手不知其載籍掌故之荒陋疏舛諱莫如  
淡者皆元人自取之兵籍之多寡非勳戚典樞密之臣  
一二預知外無一人能知其數者拖布赤顏一書譯言  
聖武開天記紀開國武功自當宣付史館乃中葉修太  
祖實錄請之而不肯出天厯修經世大典再請之而不  
肯出故元史國初三朝本紀顛倒重複僅據傳聞國初

平定部落數萬里如墮雲霧而經世大典於西北藩封之疆域錄籍兵馬皆僅虛列篇名以金匱石室進呈乙覽之書而視同陰謀深閉固拒若是是以元一統志亦僅載內地各行省而藩封及漠北遼東西域皆不詳又何怪文獻無徵之異代哉是以疆域雖廣與無疆同武功雖雄與無功同加以明史館臣不諳繙譯遂至重紕疊繆幾等負塗不有更新曷徵文獻臣源伏思周監二代成斯文之郁郁彬彬書紀三科存前朝之渾渾噩噩敢以文章靖獻上報

屢朝養士之恩竊比柱下潛修整齊一代簡書之舊託浙撫之淵源隨奏疏而上進無上下古今之識特文省而事增於山海崇深之中聊管窺而蠡測無任戰栗隕越之

至

凡例

一元史本紀之敝世祖以前四朝失於荒陋世祖以後

七朝失於繇尤其列傳之敝亦於開國功臣失之疏而

世祖以後諸臣失之尤其疏者雖以元勳碩輔而竝佚

其名氏如太祖諸弟諸子各僅一人有傳開國功臣首

稱四傑而博爾忽赤老溫二人無傳

博爾忽傳僅有子博爾忽孫事述

與無傳同

開國四先鋒而大將哲伯亦無傳和禮霍

孫至元之賢相旭邁傑倒刺沙泰定之元輔皆不爲立

傳僅於表中虛列其名尙公主者莫盛於魯昌趙鄆而

鄆國駙馬之傳亦闕至后妃一代母儀帝子諸王屏藩

邦本而僅列二表且譌漏迭出其尤者或一人而二傳

甚至數篇之多

列傳有速不台又有雪不台有完者都又有完者拔都有石抹也先又有石抹



阿辛至阿荅未忽刺出二人既附書於杭忽思直脫爾之傳矣而又別爲立傳又昂吉爾已附於耶蒲甘卜傳而又別有昂吉爾傳重喜已附於塔不己爾傳而又別有重喜傳阿朮魯已附於懷都傳而又別有阿朮魯傳譚澄已附於其父資榮傳而又別有譚澄傳凡如平宋此皆一人數傳疊見層出爲從古史冊所未有大將不過伯顏阿朮阿里海涯董文炳張弘範等九人耳而濫至百餘傳之多今補其所必補刪其所必刪雖全無一字之博爾忽赤老溫哲伯等皆表其勳猷輝照史冊

一開國肇造之初以版圖疆宇爲最重故新唐書敘平劉武周竇建德王世充等羣雄於各列傳之首宋史亦列蜀楚粵閩南唐吳越諸王世家於各傳之後而舊史太祖太宗所平漠北西域數十部無一傳何以知疆域之所至世祖中葉北藩東藩叛者數世竝無一傳何以

知邊徼之情形今特先敘各部各國并通之事復詳中葉疆場尾大之勢竝列於各傳之首以昭一代形勢至於末年羣盜韓徐陳張方明之屬舊史不立傳何以知亡國之由今附列傳末以垂鑒戒

一遼代世族以耶律氏蕭氏爲綱其餘亦各有氏族金史以完顏氏爲綱而有石抹氏蒲察氏烏古倫氏伊刺氏且宗室各有漢名如宗弼宗翰宗望宗幹宗強宗本及允中允蹈允鎬之類尙易稽察諸史諸臣工皆入列傳不分文武將相不分時代先後在漢唐宋史則可若元代臣僚則名字侏儒文武錯雜自非以事分人何由一目瞭然故於累朝文武將相功臣俾類相從以及天祚交兵末年討寇諸臣分別部居皆以各朝爲先後可

無舊史荒蕪傾倒之憾

一列傳既疏冗重複而其大臣數篇則又諱其所短與他傳牴牾阿里海涯屠江陵屠潭州占居戶數萬爲奴見相威及張雄飛傳而本傳則諱之且敘其保全潭民之德安童與皇子同陷叛藩中數年而本傳諱不書完澤力勸成宗征八百媳婦國以繼世祖武功先後亡卒數萬而完澤傳亦不書皆据家狀粉飾於本傳而罪案別見於他傳一書自相矛盾至於本紀仁宗貶周王和世疎之詔不載所謂欲蓋彌章天厯誣泰定爲潛通逆謀所謂欲加之罪當時諱莫如深何以異代修史亦不爲之平反甚至不立倒刺沙之傳反立任速哥之傳直以泰定正統爲仇賊而天厯叛臣逆臣爲忠義棟樑昧

曰四方易位此等史筆可垂百世乎

一列傳有當補者有不當補者史漢以來從無公主之傳惟唐以岐陽佐命之功太平安樂司晨之禍皆關宗社安危故變例垂戒非如元代公主除高唐王監國長公主一人附其夫傳外餘皆毫無事迹而仁和邵氏元史類編嘉定毛氏元史彙均立公主傳以夫附妻顛倒陰陽全替史體至敵國降臣自當別爲一傳舊史劉整呂文煥濫廁功臣而畱夢炎王積翁蒲壽庚方回等不爲立傳非所以示懲今別立宋降臣傳以昭筆伐

一元代功臣多與宋金史出入元末遺老降臣多與明史出入亦有宋元明三史皆不載而其人實足廉頑立懦如謝皋羽鄭所南趙若煥趙子固張旻褚師秀豈可

因其遁世無悶而不表章之哉若楊維禎倪瓚雖名見明史而其傳寥落不足以傳其志節今更易之可以對勘

一舊史列傳之失昔人糾之備矣至其表志之謬陋更有出情理外者如八十八卷百官志中政院屬下有管領諸路打捕鷹房民匠等戶總管府所領四提舉司及十一提領所連敘兩次但文有餘簡一志之中雷同重複至宰相年表或開國元輔而表首無一字或官至平章左右丞參政其勳勞氣節載在史策而表中止書其姓者不可枚舉此皆顧亭林錢詹事糾繩所未及不知當日宋王諸臣何以全未寓目今一一攷紀傳補書以彌疏漏

一元史以厯志爲最善蓋本郭守攷授時厯爲全書之冠其五行志則諸史之重儻今已從刪惟天文志內有儀象一門今移附厯志之末以歸畫一其刑法志亦例禁之重儻今竝芟薙其餘各志提綱挈領芟其蕪漫此外氏族表藝文志補自錢詹事大昕亦無遺憾今於禮志補宮室補陵寢而地里志於上都路則證以王惲口口周伯琦紀程和林行中書省則證以歐陽原功高昌偃氏家傳張德輝和林邊墩紀程慈嶺以西阿母河行中書省則證以耶律楚材西游錄烏古倫北使記劉郁西使記長春真人西游記更加海國圖志中所載英夷印度之事而西北輿地頗如指掌舊史止據元一統志詳內地都省與十一行省視西北疆域如醯雞不知甕

外有天今差雪斯憾

一元代人名重複尤俚本無定字亦由修史者不諳繙

譯不定體例所致如帖木爾如海涯

或作牙

如拔都

或作拔都

魯或作

如那顏

或作那演

如火者

貴稱即今所謂和卓也

如荅刺罕

賜功

臣之如的斤

番人稱其王之號

皆美號非名也

又有稱某赤者

如賽典赤槃直愷赤之類此以官連名如脫里王罕亦

都護之類此以人連爵今凡名之連號連官連爵可省

者省之

如廉惠山海涯貫雲石海涯今止稱其不可省

者酌畱之

如燕帖木爾

圖帖木爾伯帖其俚名宜更者

驢狗醜等字例以盧苟丑代之也兒等字例以耶爾代

之其他傳可擇采者吾也而一作烏葉爾笑乃斛一作

蕭乃台桑哥一作桑葛伊刺一作耶律以及哲伯之作

蕭乃台桑哥一作桑葛伊刺一作耶律以及哲伯之作

鷓鴣柘柏遮別者別皆可擇善而從一轉易間頗殊喬  
野不至迷其本字惟重名大多名連帖木爾者至百有  
二十四人名連不花者八十人名伯顏者九人脫脫十  
五人孛羅帖木爾七人月魯帖木爾六人也先帖木爾  
六人失烈門五人安童太平各二人兀良合台五人此  
則斟酌損益存乎其人如奸臣伯顏改柏顏脫至地名  
數譯亦無定字如乃蠻亦作滿盧朐河一作龍居克魯倫  
河一作怯綠連河徹連格河一作傑河謙河一作塔密爾  
一作達腦兒即今所云海爾也辨屯河一作班朱尼  
一作納海子今別列名字異同表以示大概惟金史自  
有國語解附後元史無之而

欽定遼金元三史國語解官書卽在京師亦難購覓況南方下



土乎今一依舊史以存其實

一元經史大典八百卷文宗天厯中所修其十篇君事

之目四一帝號二帝訓三帝制四帝系附錄此四篇蒙

古局治之臣事之目六曰治典曰賦典曰禮典曰政典

曰憲典曰工典此六篇蒙漢官分治之治典篇第五

官二三公三宰臣年表四行省五入官六補吏七儒學

教官八軍官九錢穀十投下十一封贈十二承蔭十三

事賦典第六一都邑二版籍三經界四農桑五賦稅上

貨十一鹽法十二茶稅十三酒醋十四商稅十五市舶

十六宗親歲賜十七俸稅十八公用錢十九常平義倉

二十樂局二十一市糶糧草禮典第七二行幸四符寶

五輿服六樂律七麻法八進講九御書十學校十一執

文十二貢舉十三舉遺逸十四求言十五進書十六道

使十七朝貢十八瑞典右上一篇一郊祀二宗廟三社稷

岳瀆四三皇先農五宣聖六羣祀七功臣廟八謚法九

賜碑十旌表右中篇政典第八一征伐二招捕三軍制

一增二道右下篇

七軍賞八責罰九屯戍十功役十一存卹十二兵雜錄  
十三馬政十四屯田十五驛傳十六急遞十七扈從十八  
田憲典第九一名禁二衛禁三職制四祭令五學規  
獵十一盜賊十二詐僞十三訴訟十四關殿十五殺傷十六  
禁令十七雜犯十八捕亡十九平反二十赦宥二十一  
獄空二工典第十一宮苑二官府三倉庫四城郭五  
十二附錄一橋梁六河渠七郊廟八僧寺九道  
宮十廬帳十一兵器十二鹵簿十三王玉工十四金工十  
五搏埴工十六石工十七絲枲十八皮工十九氈罽工  
二十畫塑工此皆舊史諸志所本惟其僅詳於天厯以  
前而順帝一代事實則徒鈔吏牘毫無翦裁今全修補  
以歸畫一此外惟元祕史差悉漠北初起情形尙有元  
典章口卷亦當代官書然皆鈔集案牘出於胥吏之手  
不經館閣故四庫全書目已鈔而復不收邵氏元史類  
編乃多取元典章以補正史殊不足道也

一元承遼金入中原從無變制之事而金代郊祀且執

玉珪則竝參用漢制故伯顏下江南兵不血刃杭民安堵亦無一人變動者由禁令簡也故其官服制度亦無可攷

一諸史皆以表志列本紀之後列傳之前唐代劉知幾史通及宋鄭夾漈皆謂其隔制度於紀事之間不便觀覽今從其說以表志居列傳之後亦歐陽氏新五代史以司天職方攷次列傳之例也

元史語解略

元人以蒙古語命名或取於色察罕白也哈刺黑也兀  
蘭紅也昔刺黃也曰闊闊曰孛羅皆青也或取於部族  
曰蒙古台曰唐兀台曰兀良合台曰貳吉刺台曰塔塔  
爾台曰遜都台曰散朮台曰肅良合曰亦乞列台或取  
於行次耶孫九也塔本五也乃蠻八也朵羅七也朵爾  
別一作朵魯班四也只爾瓦台六也乃顏八十也荅蘭  
七十也明安千也圖滿一作徒滿萬也或取於吉祥伯顏富  
也只爾哈朗快樂也耶可大也耶先安也蔑兒千一作默爾  
傑多能也賽因好也或取於珍寶曰按彈曰速不台曰  
帖木爾曰合失皆珍寶也曰荅納都納石失綴大珠於  
金錦也曰速不都納石失綴小珠於金錦也

其官名異譯則主服御者曰速古赤主酒者曰答刺赤

主漕者曰邵刺赤主膳者曰博爾赤戶郎曰玉典赤圉

人曰阿塔赤佩弓矢侍左右者曰火爾赤亦曰闊端赤

佩寶刀侍左右者曰雲都赤以上見輿服志及兵志典書記者曰

必闊赤見祭志治芻粟者曰孛可孫司城門者曰八刺哈

赤書寫聖旨者曰札爾里赤牧駱駝者曰帖麥赤牧羊

者曰火尼赤捕盜者曰忽刺罕赤奏樂者曰虎爾赤典

車馬者曰兀刺赤曰莫倫赤司鷹房者曰昔寶赤能快

行者曰貴由赤番直宿衛者曰怯薛耶可怯薛者言天

子自領之也見兵志又見博爾忽傳札魯忽赤謂斷事官也見赤老溫

孫芒哥撒爾傳此元代第一尊官位在三公之上猶漢之大將軍也忠勇之士曰霸都魯

一作拔都一即今世之巴圖魯也諸部族軍非蒙古者

曰探馬赤驛傳曰站赤

以上皆見兵志

官屬之長司總轄者曰

達魯花赤國語達魯花荷囊之口言政事啟閉於長官

猶囊口也譯官通事曰怯里馬赤

見百官志

其稱謂通譯諸帝尊號太祖曰成吉思言天賜也世祖曰薛禪大賢聰名之謂也成宗曰完澤篤言有壽也武宗曰曲律言英傑人也仁宗曰普顏篤有福之稱也英宗曰格堅者明也明宗曰忽都篤言再來人也文宗曰札牙篤者命也其曰大札撒者大法令也按荅者定交不易之友也折里麻者有謀略人也吾圖撒合里者長壽人也月呂魯那演者能官也巴魯思者虎也默爾傑者善射之尤者也蒙哥者長生也乞列思者野外繫馬所也布渾察爾者許親酒也荅刺罕者一國之長言得

自由也荅刺罕軍者征南蠻募勇悍爲先鋒言縱恣無  
禁也奧魯者軍出征戍其家在鄉里曰奧魯也八合識  
者博士可爲師者也刺馬者帝師也膽巴者微妙之法  
也幹魯朵者一作窩謂宮室帳殿也質孫者一作只孫  
一色服也畏吾者回紇之音轉也曰荅失蠻曰耶里可  
溫本紀免租稅皆有此二等人在僧道之外蓋回教之  
師也元典章稱先生曰耶里可溫蓋可溫卽今所謂阿渾也

元史目錄

邵陽魏源重修

本紀十四卷

列傳四十二卷

表七卷

志三十二卷

本紀

元史卷一

太祖上

元史卷二

太祖下

元史卷三



太宗

定宗

元史卷四

憲宗

元史卷五

世祖上

元史卷六

世祖下

元史卷七

成宗

元史卷八

武宗

元史卷九

仁宗

元史卷十

英宗

元史卷十一

泰定帝

元史卷十二

明宗

元史卷十三

文宗

世宗

元史卷十四

順帝

列傳

元史卷十五

后妃

太祖母宣懿皇太后

太祖光獻皇后

太祖四斡爾朵諸后妃

太宗孛剌合眞皇后

乃馬眞氏諸后妃

定宗欽淑皇后

憲宗世祖母莊聖皇太后

憲宗貞節皇后

貞節后妹諸后妃

世祖四庭帳諸后妃

世祖順聖皇后

弘吉剌第三后

成宗母裕聖皇太后

成宗靜懿皇后

伯牙吾氏諸后妃

武宗仁宗母興聖皇太后

武宗惠聖皇后

明宗母亦乞列氏文宗母唐兀氏諸后妃

仁宗慈聖皇后

英宗懿聖皇后

泰定帝母淑聖皇后

亦乞列氏諸后妃

泰定帝弘吉剌皇后

順帝母罕祿魯氏諸后妃

明宗八不沙皇后

文宗弘吉剌昭宣皇后

順帝伯牙吾皇后

順帝弘吉剌皇后

順帝奇氏二皇氏

龍淑妃

元史卷十六

皇子諸王

太祖諸弟

齊王合薩爾 遼王幹赤斤 定王別里古台 吳王合赤溫

太祖六子

朮赤大王 察合台大王 拖雷大王

太宗七子

睿宗十一子

楚王牙忽都

憲宗五子

世祖十子

明孝太子 鎮南王脫歡 梁王把匝剌瓦爾密

裕宗三子

晉王甘麻剌 懷王答剌麻巴剌

武仁諸子

明文諸子

順帝子

愛猷識理達臘太子

元史卷十七

太祖平服各國

東北諸部

塔爾

蔑里吉

泰赤烏

東遼

東夏

漠北諸部

札答剌

克烈

乃蠻

東契丹耶律畱哥

高昌

西夏

西契丹

北印度欽察各國

元史卷十八

太祖憲宗兩朝平服各國

西域

西域藩封

大理

元史卷十九

中統以後屢朝平服叛藩

東方叛王

乃顏合等

北方叛王

阿里不哥

海都篤哇蔑里等

元史卷二十

勳戚

特薛禪

孛圖

孛要合

元史卷二十一

開國四傑

木華黎

子李羅孫乃燕

孫塔思

速渾察

霸都魯

曾

博爾朮

孫玉昔

玄孫阿魯圖

經的該

博爾忽

曾孫月赤察爾

赤老溫

曾孫芒哥撒爾

元史卷二十二

開國四先鋒二部長

速不台

哲伯

曷思麥里

布智爾

朮赤台

畏答爾

元史卷二十三

誓渾河功臣



札巴爾

鎮海

耶律阿海

懷都

雪裏堅那顏

塔海

忽魯渾

阿朮魯

耶律圖花

哈散納

紹古爾

元史卷二十四

開國武臣

察罕益德

亦力撒合

立智理威

郭寶玉

子德海

孫侃

野里朮

昔里吉思

元史卷二十五

開國相臣

耶律楚材

子鐸

粘合重山

楊惟中

元史卷二十六

開國文臣

岳璘

哈赤北魯

塔統阿

劉敏

李楨

元史卷二十七

平金功臣

石抹耶先

子查刺

脲魯華撒吉思不華

趙瑄

諱乃台

烏耶爾

安札爾

耶律涅爾

闊闊不華

劉伯林

子嶷

石天應

石抹明安

王機

何質

按竺爾

史天倪

子楫

弟子樞

從弟天祥

王守道王王

張柔

子弘略

何伯祥

張榮張宏

嚴實

子忠濟忠嗣

張晉亨

趙天錫

王玉汝

董俊

王恂

子榮祖

李守賢

瞻思丁 子納速刺丁 忽辛

宋子貞 何榮祖 趙炳 劉肅

# 元史卷三十三

## 世祖文臣下

董文用 弟文忠 兄子士選

賀仁傑 子勝

賈居貞 張孔孫 多爾赤 千魯

耶先不花 劉漢卿

張德輝 馬亨

張昉 郝彬 楊混 吳鼎 梁德珪

暘師文 尙野 王利用 王思廉 孟攀鋒 又巢  
附張惠等八人

# 元史卷三十四

世祖言臣

崔斌

弟或

陳天祐

弟天祥

劉宣

姚天福

陳思濟

秦長卿

申屠致遠

張雄飛

馬紹

唐仁祖

程鉅夫

元史卷三十五

治麻治水漕運諸臣

楊恭懿

王恂

齊履謙

郭守敬

賈魯 尙文 成遵

羅璧 朱清張瑄 李世雄

元史卷三十六

平叛藩諸臣

商挺 暗伯

李庭 伯帖木爾 塔出

昔班 鐵連

石天麟 劉好禮

玉哇什 劉哈刺 圖堅不花

土圖哈 子藏兀爾 張立 囊加台

阿沙不花 弟康里托托

元史卷三十七

平南夷東夷諸臣

兀良哈台

信直日

性烈

愛魯

樊楫

昔都爾

劉國傑

楊漢英

脫力世官

洪福源

子俊奇

張禧

王國昌

史弼

高興

亦黑彌什

趙良弼

梁曾

張立道

張庭珍

弟庭瑞

元史卷三十八

中葉相臣

哈刺合孫

李孟

拜住

元史卷三十九

中葉文臣

虞集

弟榮

白察罕

雅爾丁

脫烈海牙

馬祖常

巉巉

兄同回

白當

荅里麻

月魯帖木爾

宋本

敬儼

郝天挺

曹伯啟

劉正

謝讓

王伯勝

韓若思

吳元珪

臧夢解

陳顯



王都中

王克敬

劉敏中

元史卷四十

中葉言臣

陳思謙

秦起宗

李元禮

蓋苗

王約

王結

張養浩

張珪

楊多爾只

蕭拜住

趙世延

張思明

張起巖

元史卷四十一

天祿交兵諸臣

倒刺沙

囊加台

諸王圖堅

燕帖木爾

柏顏

阿禮

元史卷四十二

元末相臣

塔識

多爾只

多爾直班

脫脫

賀太平

子耶先忽都

元史卷四十三

元末文臣

許有壬

蘇天爵

王思誠

李好文

李亢魯

子遠

呂思誠

崔敬

貢師泰

亦憐真班

達理麻識理

元史卷四十四

元末言臣

陳祖仁

王通志

李復

歸暘

張楨

烏古孫良楨

元史卷四十五

至正討賊諸臣

泰不華

石林宣孫

邁里吉思

李黼

星吉

納麟

卜顏帖木爾

荅什拔都魯

余闕

董搏霄

弟昂霄

慶童

耶速

察罕帖木爾

擴廓

元史卷四十六

儒林一

趙復

金履祥

張栻

許謙

鄭淵孫陶孫

牟應龍

吳澄

陸文圭

熊明來

安熙

劉因

韓擇

侯均

同恕

第五居仁

蕭蚪

杜瑛

張特立

陳庚

儒林二

張璽

孔思晦

趙侃

耶律有尚

曾巽申 無傳

楊桓

贈思

袁桷

曹元用

儒林三

胡長孺

胡一桂 胡炳文 陳櫟 陳潛

吳師道

韓性

程端禮 端學 周仁榮 仔肩 孟夢恂

黃澤

儒林四

董朴

宇文公諒

杜本

孫轍

吳定翁

何中

危復之

武恪

陳深

無傳

黃許

陳樵

王毅

無傳

鄭玉

黃昇

顏師聖

吳當

元史卷四十七

文苑

姚燧

趙孟頫

趙與票

鮮于樞

黃潛

柳貫

吳萊

貫雲石

阿榮

戴表元

閻復

揭傒斯

歐陽玄

元明善

謝端



文苑二

陳孚

馮子振

范梈

楊載

楊剛中

李桓

劉訖

龍仁夫

劉岳申

陳旅

程文

陳繹曾

鄭杓

柯九思

李孝光

張翥

顧輝

周伯琦

李洞

楊維禎

丁鶴年

元史卷四十八

良吏

譚澄

許楫

田滋

卜天璋

楊奐

韓鏞

袁裕

鄧文原

耶律伯堅

段直

諳都剌

楊景行

林興祖

觀音奴

周白強

白景亮

王良

盧琦

鄒伯顏

劉秉直

許義夫

元史卷四十九

忠義一

月里麻思

唐慶

石珪 李伯溫

攸哈刺 任志 耶律忒未

合刺普華 伯巴

劉天孚

昔班帖木爾 妻刺八哈屯

忠義二

伯顏不花

道童

全普庵撒里 周鏗

聶炳 劉明孫等

高昌李羅卜 理牙敦

潮海 黃紹等

汪澤民

忠義三

李齊

趙璉盛昭

石普

納速刺丁

樊執敬

褚不華

月魯不花

達識

習化帖木爾

忠義四

普顏不花

福壽

閔本

拜住

趙弘毅

朴賽因不花

張庸

柏帖木爾

迭里彌實

獲獨步丁等

忠義五

張桓

郭嘉

周喜同

塔不台

王英

彭庭堅

王伯顏

劉濬

多里不花

忠義六

顏瑜

曹彥可

喬彝

張昺起等

楊乘

劉鶚

元史卷五十

孝義一

蕭道壽

尹莘

孫希賢

卜勝榮

劉通

張旺舅

李德

匡國政

孝義二

高必達

劉琦

曾德

羊仁

黃覺經

章卿孫

俞全

李鵬飛

陳斗龍

趙一德

陳韶孫

孝義三

郭苟



樊淵

賴祿孫

王閔

郭道卿

田喜

張紹祖

李明德

石永

張維

孫抑

劉思敬

王初應

施合德

石明三

徐鈺

孝義四

長壽

梁外僧等

楊一 張本 張慶 元善

郭全 劉德等

吳好直

劉德泉 朱顯 吳思達 朱汝諧

劉廷讓

扈鐸

唐轅 唐轅

孝義五

徹徹

邵敬祖 李彥忠 譚景星 郭成

何從義

孔全 張子夔 陳乞兒等

黃贊

靳昺

王克己

孝義六

丁越

王思聰

胡光遠  
龐遵

王庸

丁文忠

李忠  
吳國寶

李茂

王薦

梅應發

陸思孝

姜兼

湯霖

楊皞

余丙

宋杞

趙榮

甯諸苟

李家奴

畢耶速

王士弘

黃道賢

史彥斌

杜佑

孫瑾

孝義七

鄭文嗣

趙毓

張閏

魏敬益

訾汝道

孫秀實

黃國華

瞿嗣興

陳謙

顧德玉

秦君昭

元史卷五十一

遺逸 有目無傳

謝翱

鄭所南

趙若煥

趙子固

張旻

褚師秀

元史卷五十一

列女一

葛妙眞

畏吾氏三女

葛孝女

秦氏二女

孫氏女

許氏女

張氏女

聞氏

劉氏

馬英

趙玉兒

只魯花眞

王德政妻郭氏

朱淑信

趙孝婦

白氏

胡孝女泰

任仲文妻林氏

張氏女 高氏婦

李景文妻徐氏

臺叔齡妻劉氏

李智貞

姚氏 方宣妻官勝娘 王氏女 劉平妻胡氏

列女二

周朮妻崔氏

武用妻蘇氏

江文鑄妻范氏 趙野妻柳氏

賈瓊妻韓氏

譚節婦趙氏



王婦

闕文興妻王氏

沈氏

李如忠繼室馮氏

霍榮妻段氏

朱虎妻茅氏

秦閭夫妻柴氏

鄭琪妻羅氏

陳淑眞

劉公翼妻蕭氏

左幼白妻龍氏

李伍妻張氏

焦士廉妻王氏

柯節婦陳氏

葛通甫妻丁氏

鍾秉敬妻黃氏

曹泰才妻劉氏

朵那

李哥

杭忽思妻

拜降母徐氏

高鰲妻葛氏

開

李金兒

元史卷五十三

藝術 存二傳

李俊民

朱震亨

元史卷五十四

釋老

無目無傳

元史卷五十五

奸臣

阿合馬

盧世榮

桑葛

元史卷五十六

羣盜

有目無傳

韓林兒

劉福通

徐壽輝

陳友諒

張士誠

方國珍

明玉珍

表

元史卷五十七

宗室世系

元史卷五十八

諸王

元史卷五十九

三公

元史卷六十

宰相

元史卷六十一

氏族上

元史卷六十二

氏族中

元史卷六十三

氏族下

志

元史卷六十四

麻一

元史卷六十五

麻二

元史卷六十六

麻三

元史卷六十七

麻四

元史卷六十八

麻五

元史卷六十九

麻六

元史卷七十

麻七

元史卷七十一

地理一

元史卷七十二

地理二

元史卷七十三

地理三

元史卷七十四

地理四

元史卷七十五

地理五

元史卷七十六

地理六

元史卷七十七

河渠

元史卷七十八

禮

元史卷七十九

樂

元史卷八十

選舉

元史卷八十一

百官一

元史卷八十二

百官二

元史卷八十三



百官三

元史卷八十四

百官四

元史卷八十五

百官五

元史卷八十六

百官六

元史卷八十七

食貨上

元史卷八十八

食貨中

元史卷八十九

倉貨下

元史卷九十

兵

元史卷九十一

藝文一

元史卷九十二

藝文二

元史卷九十三

藝文三

元史卷九十四

藝文四

元史卷九十五

外國

元史卷一

本紀一上

太祖上

太祖法天啟運聖武皇帝諱鐵木真姓奇渥溫氏蒙古部人金世所謂韃靼國也有白韃黑韃二部皆在漠北白韃部顏色稍皙在臨潢陰山之北盧朐河之東亦有生熟二種近漢地者爲熟韃靼金史謂之乂族能種秫炊食介蕃漢之間其遠者曰生韃靼以游牧爲生異於契丹之射獵金史謂之沙陀亦謂之阻鞞人強武而地不產鐵故無兵甲矢用骨鏃遼時互市鐵禁甚嚴及金世廢宋河東鐵錢不用皆歸塞外韃靼得之大作軍器又製魚皮爲甲兵益強於是出沒爲邊患金太宗天會閒自稱大蒙古國改元天興號太祖元明皇帝金兀朮以兵八萬討之連年不克

乃多給金幣羈縻之故元朮臨終遺表以西夏北蒙爲憂

其後屢世倔強金世宗大定閒童謠有達達趁官家之語

或言此白韃忠國之兆

孟珙蒙達備錄金時童謠曰韃韃來韃韃去趁得官家沒去處金主

雍聞之驚曰此必韃人將爲我忠

金主乃下令每歲出兵向北剿殺必使

無壯士謂之滅丁蒙古殘破分十餘部逃遁沙漠怨入骨

髓至章宗明昌閒始停此令生聚滋衍漸復蕃盛會金宗

室愛王叛據遼東結西北契丹眾十數萬於是北阻鞑韃

靺亦起應之金遣丞相完顏襄先後出師乃築長城塹山

洛濠數百里爲界以唐古朮部戍守之遏漠北諸部之衝

此皆白韃部也元太祖則黑韃部在盧朐河之西當白韃

強盛時金人或糾黑韃攻其後置東西招討使以統轄之

及太祖興而白韃諸部先後來屬反爲鄉道以攻燕此二

部之大略也白韃舊或稱蒙骨部或作蒙兀部後遂以部

爲氏

卽太祖時二蒙部之兀魯氏芒兀氏或作汪古氏芒忽氏共有七十二種

太祖初起慕蒙

古爲北方雄國故亦稱大蒙古云太祖先世居漠北幹難

河源之布爾罕山下其十世祖曰孛端察爾者母夢金色

神自天而下有身一乳三子孛端察爾其季也漁獵於統

格黎河有居民數十家推爲長三傳至曾孫曰海都長而

豪勇有巴納忽人推爲長遂以兵攻其仇耶刺伊而部臣

屬之列營於巴達合黑河跨河爲梁旁部歸者漸眾子孫

蕃衍各自爲族不相統屬海都三傳至葛不律始自立爲

合罕卽太祖之曾祖也

合罕卽可汗乃一部酋長之稱

葛不律汗生七子

次曰巴里丹孫曰耶速該是爲太祖皇考追諡烈祖神元

皇帝初葛不律汗歿不以部眾屬其七子而以屬其從叔

父之子俺巴海俺巴海汗爲塔爾部譖於金被害部眾復立葛不律汗之子忽圖刺汗率族往復塔爾部之仇時烈祖以什夫長從行虜其部長鐵木真以歸適訶額倫太后生子因以鐵木真名之是爲太祖皇帝帝生於金世宗大定二年歲在壬午時烈祖積功至百戶千戶略有士馬營救克烈部脫里罕於難約爲兄弟閱九歲而烈祖歿時俺巴海之子泰赤烏自立爲合罕其母與訶額倫太后有隙泰赤烏欺帝孤幼盡奪其部眾惟與母弟數人射獵爲生稍長泰赤烏又忌其英勇屢謀害之語詳太祖削平諸國傳帝韜匿數載及壯有室始乞助於父執克烈部脫里罕及已所善疏族札木合各資以士馬始招還舊部與札木合連營逾年復有隙分軍而歸初黑韃部形短貌寢惟太

祖雄偉廣額長髯臂垂過膝豁達果決輕財好施與重信  
義與士同甘苦鄰部多苦其酋侵暴相與謀曰鐵木真太  
子衣人以其衣乘人以其馬獵則毆獸任人多獲真吾主  
也於是鄰部壯士相率來歸或自札剌爾部至或自塔爾  
忽部至或自乞顏部至或自巴魯剌部至或自兀良合部  
至或自別速部至或自速都部至或自晃豁壇部至或自  
朵別部至或自斡羅納部至或自巴阿林部至或自札荅  
刺部至或自主爾乞部至數年遂有眾數萬眾議於闊闊  
納渾兒海子立爲成吉思合罕成吉思者蒙古語天賜也  
時金章宗承安三年歲在戊午太祖年三十有六矣乃使  
博爾朮博爾忽等四人或掌弓矢或掌飲膳或掌修車或  
掌羊羣馬羣或掌護衛又使人告稱汗於克烈部

卽脫里罕札



荅刺部

卽札木合

時秦赤烏少施好奪屢攘其部下所有部人

苦其虐多棄主來歸會札木合亦忌帝內隙明年秦赤烏

遂合札木合十三部兵三萬來攻帝亦大集諸部兵分十

三翼迎戰不利退保幹難河又明年歲在庚申金遣丞相

完顏襄討塔爾部之叛逐其北走帝與脫里罕奉檄合兵

邀擊塔爾部於納刺禿什圖之野獲大珠金銀綳車各一

獻諸金加帝官號曰札兀圖魯漢語招討使也并封脫

里爲王故脫里亦稱王罕又明年辛酉冬秦赤烏復約十

三部推札木合爲盟長來攻帝恐力不敵復約脫里王罕

合軍以拒乘風雪大戰破諸闕奔壇之野王罕追札木合

帝追秦赤烏又連戰於幹難河帝頸中流矢創甚麾下赭

勒蔑夜入敵軍竊湏酪歸以飲帝詰旦復戰秦赤烏潰遁

其部壯士若赤老溫父子若折伯及其善戰之芒忽部兀

魯部皆來歸盡有秦赤烏札木合二部之眾擴地至怯綠

連河

即客魯連河也或作克魯倫河或作怯呂連河或時作盧胸河或作龍駒河或作陸局河或作龍居河

金章宗泰和元年太祖年三十九矣又明年壬戌太祖復

破察阿安塔塔爾二部虜其四種奧魯是年王罕爲乃滿

所破

乃滿一作乃蠻

盡失部眾西走回紇困飢不能自存帝遣人

迎還資以貲財士馬招還其部曲并代攻掠鄰部以益之

王罕復爲乃滿酋兄卜魯汗所襲

卜魯汗一作杯祿汗求援於帝借

帝四良將率兵破乃滿奪回所掠王罕亦自攻蔑里吉部

大獲而還復大振王罕德帝甚約爲父子盟於土臘河黑

林帝尊之曰翁汗而回屯客魯連河東北之巴勒渚海子

即班居尼河也

與王罕分牧地以客魯連河爲界而札木合在王

罕軍中不利王罕之與帝睦也日夜構其子奔刺合陰圖帝約往宴而害之帝不果行於是潛師來襲會其圉人泄謀帝亟移輜重於他所嚴兵四千六百騎分兩隊以待陣於合蘭只之野帝初戰不利復集士再三力戰始克之王罕父子敗歸帝使使往數其負德并詰兵端語詳削平各國傳使一再往返而奔刺合詞愈憤帝知勢不兩立乃假請合薩爾妻子爲名而潛師隨其後遂大破庭帳王罕父子皆走死盡收其部眾方戰時王罕兵強盛帝未卜勝負退保班朱河一作班朱尼河乃約部下十九人同飲河水誓曰所不今日僂力同心他日世同休戚者有如河卽所謂飲渾河十九功臣也時歲在癸亥金泰和三年太祖年四十有一威德日著擴地至土臘河乃滿部者在土臘河之西依

沆海山爲國而建牙於塔米爾河卽自昔北匈奴回紇王庭所謂和林者也士馬數十萬世雄漠北至太陽汗驕無紀律會諸部故酋敗投乃滿者多請兵報復而太陽汗聞帝吞并東北諸部惡其抗已乃遣人約東北白韃部夾攻蒙古白韃不從反執其使來告太祖議先發制之乙丑夏馬方瘦衆議俟秋高馬壯舉兵帝謂馬之肥瘦敵軍同之不如乘其不備乃選軍馬立千百戶什夫長設六等徹爾必官仲夏祭纛興師溯客魯連河而上選死士千爲先鋒再戰於杭海山大敗敵衆禽太陽汗帝收其部衆牲畜盡有漠北之衆控弦數十萬與西回紇接壤語詳太祖削平各國傳明年歲在丙寅羣臣宗族大會斡難河共議以帝功德隆盛天順人從請上尊號曰成吉思皇帝乃建九旂

白蠡卽皇帝位於幹難河之源國號大蒙古時帝年四十有四金章宗泰和六年也大資功臣木華黎博爾朮各授左右萬戶而納牙爲中軍萬戶惟木華黎封國王餘九十人各授千戶又以舊人蒙力克曾諫赴王罕之宴豁爾赤早告顛兆均封萬戶謂芒忽兀魯二部勁旅爲國爪牙其各封四千戶又謂先鋒曰哲伯曰忽必雷曰速不台曰赭勒蔑四人摧堅陷陣所向有功其各授千戶又詔曰朕初止有宿衛八十人散班七十人今蒙天祐君長羣部其於各萬戶千戶百戶內選萬人爲宿衛以功臣十人分領之出征則爲前鋒平時宿衛分四班以四親臣領之惟扈帳殿御營不許調發又詔曰初立國者吾母今與幼弟幹赤斤共分一萬人吾長子朮赤與九千人次子察合台八

千三子窩闊台四子拖雷各五千諸弟合薩爾四千阿勒赤台二千孛勒古台千有五百時國俗無文書以草青爲一年月圓爲一月湮酪牛羊爲食皆騎軍無步卒馬皆自駒時教習馴擾千馬一羣寂無嘶鳴不控繫而不走逸晝不芻秣夜始牧放人有數馬日更一騎故無隕困起兵數十萬略無文字自元帥至千百戶什夫長傳令而行其發命令於遠方則遣使飛騎往返口傳無敢增損一字不知何國號年號及東征西伐得回鶻及金降人教之始用回鶻字行文於西域用漢字行文於女真自稱曰大朝曰龍兒年虎兒年兔兒年以紀干支中國或傳其稱龍虎紀年者非也以羊爲糧以馬乳止渴其內侵中國食羊盡則射兔鹿野豕爲食故屯數萬之師不齎糧餉臨敵不用命者

元史卷一

本紀

六

雖貴必誅軍無得私掠戰畢均分以上下爲多寡必畱一分爲成吉思獻其大臣親王居守漠帳不臨戎者亦預分數焉凡征伐議於夏其定秋令所向各埽其部辟暑牧養至八月咸集雲中而後行帝既定漠北得白韃部及金降臣鄉道始議征金征夏